

28 AUG 2001

DR MAHATHIR UCAP SELAMAT JALAN KEPADA MEGAWATI

KUALA LUMPUR, 28 Ogos (Bernama) -- Perdana Menteri Datuk Seri Dr Mahathir Mohamad mengunjungi Presiden Indonesia Megawati Soekarnoputri di sebuah hotel di sini untuk mengucapkan selamat jalan kepada beliau yang dijadual berlepas pulang tengah hari ini.

Dr Mahathir bersama isterinya Datin Seri Dr Siti Hasmah Mohamed Ali menghabiskan masa kira-kira 30 minit bersama Megawati yang diiringi suaminya ke sini, Taufiq Kiemas.

Turut hadir ialah Menteri Luar Datuk Seri Syed Hamid Albar dan menteri pengiring Datuk Dr Siti Zaharah Sulaiman.

Megawati, yang berada di Malaysia untuk lawatan dua hari, adalah dalam siri terakhir kunjungannya selama lapan hari ke sembilan negara anggota Asean untuk mengukuhkan hubungan Indonesia dengan negara-negara Asean.

Megawati, yang dipilih sebagai presiden negara yang mempunyai penduduk keempat paling padat di dunia pada 23 Julai lepas, turut diiringi Menteri Luar Indonesia Noer Hassan Wirayuda dan 60 anggota rombongan.

-- BERNAMA

HS CS KHY RON